

Gita/Pelegrinaje: le K.V.W. de Badia, La Ila y San Ciascian inviëia düc ala gita/pelegrinaje a Pertisau/Achensee tl Tirol en **mercui ai 11 de jügn**, cun marëna söla „Gaisalm“ che an arjunje cun 20 menüc de barca. Le prisc (bus, barca y marëna) é de 42 € por i scric ite al KVW y 45 € por i atri. Da Pedraces pëia ia le bus dales 06:45. Prenotaziuns tol sö laco Clement al nr.0471/839772.

Conzert de orghi de dljia dla Scora de Musiga “Unterer Vinschgau” en lünesc, ai 02.06.2014 dales 17:00 te dljia da S.Linert. Düc é dër bel invià.



En jöbia, ai 05.06.2014 complësc **Paola Piccolruaz** da Alfarëi **88** agn y en sabeda, ai 07.06.2014 **Berta Lanzarini Clement** **81** agn. L’Seniorenclub y düta la Comunité ti aoda a trames dües düet l’bun, sanité y benedisciun de Dî.

Jun a pé cun l’KVW: inviun düc ala gita: *Kastelruth – Völser Weiher – Prösel* en mercui, ai 04.06.2014. Piun ia da Pedraces dales 08:00. Prenotesse präibel pro laco al nr. 0471/839772.

La Scora de Musiga inviëia al **conzert de contlujun** en mercui ai **4 de jügn** dales 18.00 tla Ciasa J.B. Runcher a S.Linert. Al cianta y sona scolars dla Scora de Musiga Val Badia. Düc é dër bel invià.

Le Sorvisc ai Jogn adöm al Raiun sozia lascia alsavëi che pro le proiet “Cool summer 2014” él ciamó n valgügn posc lëdi:
Edema dai 30.07.ai 01.08.14: Jones stersces y siqüdes de se instësses (ci tatices poi pa tó ca sce i me lasci saurí provoiché, co poi pa me comporté sce i me sonti atacada o sce i me tëmi?).
Edema sön le lüch da paur dai 18.08. ai 21.08.14 (fà laürs te bosch, daidé t’urt o te ciasa, proé da fà produc da paur y dormi na nöt tl fëgn!).
 Tó pert po düc i jogn/jones dla scora mesana. Iscriziun te Sorvisc ai Jogn al numer 0474/523070.

La **Marcia Francescana** por jogn adulc gnará fata inçe chësc ann y plö avisa da Stroncone a Assisi dal 25.07. ai 04.08.2014. Informaziuns y prenotaziuns al nr. 334/9891799 o 0472/836325 (Br.Ulrich M.Rauch).

Curs: la Uniun dles Patrones dl Comun da San Martin mëta a jì n curs da cujiné cun Marlene Clara. Al é por düc y vëgn fat ai 5 y 6 de jügn dales 20.00 tla vedla ciasa de palsa a Piculin. Prenotaziuns al nr. 0474/590026.




Usc dla Cüra BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 27	Edema: 01.06. - 08.06.2014
--------	----------------------------

ASSËNZA DL SIGNUR



Vangele dla Festa de Pasca de Mà do San Jan

20,19-23

La sëra dl pröm dé d’edema, canche i discepu i à, dala tëma dan dai iüdes, sarè pro les portes, él gnü Gejù, é jü amesa ëi ite y ti à dit: Pësc a os! Do chëstes parores ti à mostré sües mans y so costà.

Dailó se ralegrà i discepu da odëi le Signur. Gejù ti à ciamò n iade dit: Pësc a os! Sciöche le Pere m’à mené mè, insciö ves mëni iö os. Do ch’al à albü dit chësc, ti à fladé ados y ti à dit: Recioiede le Spirit Sant! A chi che os ti lascëis do i picia, ti ési lascià do; y a chi che os ne ti i lascëis nia do, ne ti ési nia lascià do.

FUNZIUNS SACRES

01.06. FESTA DL'ASSËNZA DL SIGNUR

- 10.00 Mëssa ciantada por la Comunità
15.00 Prozesciun te païsc cun Chël Bel Dî dala Crusc
18.00 †to Lois Frena - aniversar / †to Paul Valentin
por fam. Franz y Anna Rudiferia

02.06. Lünesc

- 20.00 †to Michil Irsara - aniversar
vis y †ti de Veneranda Ferdigg
por fam. Carlo y Iudita Bernardi en reingraziamënt

04.06. Mercui - *Mëssa cun i scolars*

- 07.30 †to Sepl Daprè (dala uniun di ëi)
†ti Tita y Angela Pedratscher
†ti de Paul y Ida Valentin

06.06. Vëndres – prüm vëndres dl mëis

- 07.30 †to Marco Gabrielli - aniversar
†ti Notburga y Otto Alfreider - aniversar
por fam. Eduard y Nina Tavella

07.06. Sabeda

- 07.30** Traslaziun de "Chël Bel Dî dala Crusc" sò La Crusc
09.30 Mëssa sò La Crusc
por fam. Guido y Gilia Tavella
por families Franz Irsara y Andrè Valentin
por fam. Raimund y Gaby Irsara y †to Francesco
De Grandi
14.00 Noza de Manfred Schmid y Linda Pitscheider
16.00 Mëssa a Oies

08.06. FESTA de PASCA DE MÀ

- 08.00 **Esposiziun dl Santiscimo**
Scomënciamënt dles ores de adoraziun
10.00 Mëssa solena en onur dl Spirit Sant
15.00 Ora de adoraziun por düc
18.00 †to Paulin Irsara - aniversar
†to Paul Adang - aniversar
†to Michele Crepaz - aniversar

Dala VITA dla CÜRA

PASCA de MÀ 2014

Ores de adoraziun

- 08 - 09 Pedraces - Sompunt - Paracia - Ciaminades - Damez -
09 - 10 Fisti - Larcenëi - Craciurara - Reslada - Castalta - Adan -
Pescolderunch - Peslalz - Pescol - Crafunara - Val
10 **Mëssa Grana**
11 - 12 San Linert
15 **Ora de adoraziun por düc**
16 - 17 Ruac - Alfarëi - Pransarores - Rainé - Cïanacëi - Oies -
Frëinademez - Anvì - Sotrù - Jusciara - Runch - Parüs -
Puntac - Sotgherdëna
17 - 18 Costa - Curcela - Sotcïastel - Grones - Piz - Valgiarëi -
Col d'Anvì - Andrac - Cïalaruns
Contlujiun y benedisciun
18 **S.Mëssa**



En sabeda, ai 31.05.2014 se à unì ti Sacramënt dl **MATRIMONE** Elisabeth Valentin de Valgiarëi cun Christian Ploner y a S.Martino in Vignale Harald Irsara da S.Linert cun Emilia Paganucci. La Comunità de Badia ti aoda a trami dui i përs tröpa ligrëza y benedisciun de Dî sön so tru deboriada.

Comuniun ai amarà: ala ti vëgn portada en jöbia, ai 05.06.2014, dales 10:00 inant.

Referat: l'Consëj de Cüra inviëia düc da gnì en jöbia, ai 05.06.2014 dales 20:30 te Cïasa Runcher, olache siur Sepl Granruaz baiarà sura "*N politich, cun chël che düc po ester y diventè plö contënc*".

Seniorenclub: ai 10 de jügn fajunse n pic' pelegrinaje a Maria Trens. Piun ia da Pedraces dales 13:00. Ves inviun düc dër bel y präibel prenotesse pro Trina al nr. 0471/839693.



Dlijia da Oies: siur Pire präia dër bel düc chi che po, ëi y ëles, da gnì en mertesc ai 03.06.2014 a lavè la dljia y la cïasa da Oies (*recordun che, por via de laûrs, la strada da Badia sò Oies é ma daverta cïna les 08:00 da duman y dedò vala ma da La Ila fora o da Ruac/Rainè*).